

李文忠公奏稿

李文忠公奏稿

卷之六十五目錄

覆奏海防經費部駁各款摺

光緒十五年三月二十五日

定造快船報銷摺

光緒十五年四月二十二日

輪船運糧濟賑片

光緒十五年四月二十二日

接船支款過估片

光緒十五年四月二十二日

雷艇經費請銷片

光緒十五年四月二十二日

請緩鹽課奏銷摺

光緒十五年四月二十二日

漠河調員片

光緒十五年四月二十二日

蘆鹽加價展限片

光緒十五年四月二十二日

再保余昌宇加銜片

光緒十五年四月二十二日

鎮海煤價請銷片

光緒十五年四月二十二日

東海經費

請撥藥釐片

光緒十五年四月二十二日

邱寶仁林泰曾再請給獎片

光緒十五年五月二十三日

再保監造快船各員片

光緒十五年五月二十三日

遵撥練軍赴庫捐

光緒十五年六月十五日

工賑各款請免造冊片

光緒十五年六月十五日

請豁民欠旗租摺

光緒十五年七月初十日

多倫木稅分別認賠片

光緒十五年七月初十日

購買犀照輪船片

光緒十五年七月初十日

減收復價展限片

光緒十五年七月初十日

李文忠公奏稿卷六十五

全集一之六十五

桐城吳汝綸編錄

覆奏海防經費部駁各款摺

光緒十五年三月二十五日

奏爲光緒九十兩年北洋海防經費報銷案內戶部刪查各款現經逐一查覆仍請照銷仰祈

聖鑒事竊准戶部核覆光緒九十兩年北洋海防經費報銷一案內有刪查各款當飭支應局司道查覆核辦茲據該司道詳稱出洋工匠龐玉順等四名由津赴德川資銀一千一百六十二兩零已奉戶部准銷其應歸光緒十一年造報由德回津川資銀一千二百七十七兩零令將多支銀一百十餘兩歸入十一年案內核刪等因查該工匠於十年八月回華時正值法越有事外洋船價較昂是以比赴德時川資略增現已於十一年銷冊內據實聲敘

所有該工匠由德回津川資銀一千二百七十七兩八錢二分八釐九毫應請照數准銷又大沽水雷營管帶幫帶所支柴草奉戶部刪除銀七兩九錢七分四毫查大沽水雷營管帶幫帶所支柴草前已覆奏自光緒十四年正月起住支其已支之款仍請照銷奉

旨允准欽遵在案所有前項已支柴草銀七兩九錢七分四毫應請仍准照銷又北塘山海關旅順各水雷營薪糧等項戶部以大沽營內並無管理雷庫官員庫書名目應將月給銀兩同日給柴草照數刪除管帶幫帶亦應照大沽營成案將柴草銀兩一律刪除計共刪銀六百七十二兩九錢四分六毫一絲一忽八微查水雷爲海防利器物件繁多各營地處海濱異常潮城必須設庫妥慎收儲是以添設庫官各一員庫書各一名以昭慎重

本亦稟請添設因該營員名薪糧已較北塘等處爲多未便再添
飭令自行設法勻撥經管以免糜費北塘山海關旅順三處雷營
本係比照大沽雷營章程酌量增損雖添出庫官庫書薪糧核其
月支總數仍較大沽減少此係得省卽省核實議定並無溢於大
沽雷營之數其管帶幫帶柴草一項已請自十四年正月起任支
所有奉刪銀六百七十二兩九錢四分六毫一絲一忽八微應請
仍准照銷又登榮水師艇船續派官二員水長一名戶部令刪除
銀一千三十三兩二錢查該艇船自光緒六年八月由山東調津
挑留弁兵三百十員名教練快碰船水手各事宜除挑配外尙餘
武弁二員兵一百二十五名因七年冬閒定購鐵甲巨艦所需水
兵必應先期籌備其應習技藝較快碰船尤爲繁重是以添派官
二員水長一名分班教練業於十一年九月一律撥上鐵艦將艇

船薪糧住支是雖添派數人而一百餘名之兵丁盡收實用尙非糜費前已覆奏奉

旨准銷欽遵在案此次九十年照案接支銀一千三十三兩二錢應請仍准照銷又旅順威海兩煤廠並水師子彈火藥等庫司事人等薪糧戶部以大沽礮船公所司事每名月支銀十兩今每名月支銀十二兩應每名刪銀二兩計刪除銀一百四十一兩九錢九分九釐九毫八絲二忽一微五纖查旅順威海兩煤廠並子彈火藥等庫司事大役薪糧公費係比照大沽礮船公所章程核給因收發煤噸事務較繁子彈火藥關係尤重且該兩處孤懸海外食用昂貴是以司事每名議給薪水銀十二兩較礮船公所司事每名多支銀二兩實係稱事授精並無浮濫與現奉海軍衙門奏定北洋海軍章程司事在岸當差月支銀十二兩亦屬符合所有

奉刪銀一百四十一兩九錢九分九釐九毫八絲二忽一微五纖
應請仍准照銷又戶部以非洋員弁薪公論差使不論官階道員
高驂麟會辦機器製造局係知府徐建寅請假派委該道會辦自
應按照徐建寅薪水五十兩之數支給今支薪水六十兩未幾復
加公費二十兩令將多開薪水公費一併刪除計刪銀二百九十
六兩三錢三分三釐二毫五絲五微查非洋員弁薪公原論差使
不論官階惟差使有繁簡之別薪公即有多寡之分徐建寅辦理
機器製造局其時事務尙簡故每月僅支薪水銀五十兩自徐建
寅請假後事務漸繁改派道員高驂麟會辦是以月加薪水銀十
兩嗣因海防各營需用軍火愈多製造日益增劇該道月薪六十
兩實屬不敷辦公迨一年後始每月酌加公費銀二十兩其月支
薪水公費銀八十兩其時若徐建寅仍在局會辦亦當酌量加給

且北洋道員薪公有月支一百兩及一百三十兩者均奉部准銷
有案該道月支八十兩已屬節省並不爲多所有奉刪銀二百九
十六兩三錢三分三釐二毫五絲五微應請仍准照銷又總理衙
門調取繪圖委員陳文祺前在大沽船塢繪圖每月支薪水銀四
十兩仍請照數接支戶部以大沽船塢繪圖二員一員月支三十
兩一員月支十六兩並無四十兩應照三十兩之數支給計刪銀
二十九兩三錢三分三釐二毫該員又隨同前會辦福建海疆事
宜張佩綸赴閩計刪薪水銀二十九兩三錢三分三釐二毫查陳
文祺前在大沽船塢繪圖實係月支銀四十兩嗣於光緒十年三
月奉派赴總理衙門當差船塢另派繪圖二員一員月支銀三十
兩一員月支銀十六兩前將大沽船塢經費議定章程開摺奏請
立案係自光緒十一年正月起支敘明從前薪工經費係核入修

船費內彙總開報嗣因工與料併稽核爲難是以將委員司事工匠薪工等項按月給每遇修船祇給料價不給工價在案所有陳文祺月支銀四十兩係定章以前在陽原支之數並無不符奉刪兩款銀五十八兩六錢六分六釐四毫應請仍准照銷又洋鎗教習查連標月支薪水三十兩公費二十兩戶部以查連標已准支薪水三十兩此次又月支公費二十兩礙難核准計刪除銀五十九兩三錢三分三釐三毫查該教習月支薪水銀三十兩嗣因派赴盛軍教練經盛軍統領周盛傳以該軍馬步十餘營分紮數處該教習往返教練異常勤苦是以月加公費銀二十兩以示鼓勵該教習一人而教練十餘營卽係一人兼辦數人之事且十餘營分紮各處周流教練車馬費用爲數不貲原支銀三十兩實屬不敷辦公所有奉刪銀五十九兩三錢三分三釐三毫應請仍准

照銷又出洋學習武弁巫炳修我支川資薪水銀一千一百九十七兩八錢一分七釐五毫七絲二忽戶部以該弁出洋發給薪水船資一千二百兩係批定之款今又找一千一百餘兩礙難核准應行刪除查該弁派赴奧國學習馬隊應需薪水川資均由稅務司德璀琳經理共用英金六百十九鎊零合庫平銀二千三百九十七兩八錢一分七釐五毫七絲二忽出洋時發給薪水川資銀一千二百兩原令該稅務司儘此數動用嗣該稅務司稟報該弁在奧每月僅給用費英金十五鎊兩年共給三百六十鎊實屬減無可減其來回川資等項共用英金二百五十九鎊零亦係核實支給前次奉發銀一千二百兩本係約估給領實有不敷迨後鎊價昂貴折合英鎊又有短少業由該稅務司代墊等語遂由局照數撥還以免該稅務司因公賠累貽誚外人且查閩廠前派武弁

赴德國監造三艦因外洋房餉雜支費用較大經酌定薪水川資外每月月給房餉雜支英金三十鎊已奉准銷在案今該弁在德兩年有餘連薪水川資等項共僅用英金六百十九鎊零實較節省所有奉刪銀一千一百九十七兩八錢一分七釐五毫七絲二忽應請仍准照銷又水師管輪兩學堂用費月支銀一千九百一兩戶部以上案兩學堂每月用費一千七百餘兩核與原定一千六百餘兩之數有浮應酌量刪減此次較上案更增礙難照准應令自行刪減核定計行查銀四萬六千一百四十六兩查水師管輪兩學堂用費前奉戶部飭令刪減當查該兩學堂原擬月需銀一千六百餘兩係因管輪學堂於光緒八年四月續行開辦其公費先按每月一百五十兩酌給須俟試辦一年有餘不足再行核定是以立案文內聲明事屬創辦一切章程未能遽作定數迨一

年期滿核計所用公費照原擬之數每月實不敷銀五六十兩應照水師學堂一律按每月銀二百兩補給免使賠累致涉廢弛雖較立案時約增數十兩而款係實用曾經聲明在先毫無可刪可減之處且該兩學堂爲水師人材所自出卽爲海軍根本所由基教養之方亟宜講求前於九年四月間嚴校各學生所習各藝均有進益因酌仿船政成案將考取學生量給貲銀使無室家之累得以專心肄業復隨時試校按等酌加藉資鼓勵又因增課魚雷添雇機匠月需用費均不能不較前有增前海軍衙門暨戶部查取北洋海防經費月支各款已將該兩學堂隨時加支數目彙造清冊送核除歸入各該年造報外業將七八兩年冊造銀兩奏請照數准銷奉

旨允准欽遵在案九十兩年該兩學堂用費仍係循案實用實報

委屬無可刪減所有奉查銀四萬六千一百四十六兩應請仍准
照銷又道員朱壽鏞赴廣西知州羅豐祿赴上海朝鮮學生陳兆
藁等由閩粵來津繙譯福建赴上海武弁王義才等赴閩工匠沈
若球等赴滇桂都司徐開元等赴廣西酌給川資公費安家等項
共銀一千八百五十九兩九錢四分一釐七毫二絲戶部以前項
銀兩有川資公費並支者有但支川資但支安家者其多寡數目
是否按照官階差使抑係酌量程途均未聲明令將何項員名至
何處差遣需用川資公費安家各若干逐一立定章程先行送部
存案再行核辦至知縣魏瀚參將陳季同回閩盤費一百三十六
兩二分四釐亦應俟章程送部一併核定計行查銀一千九百九
十五兩九錢六分五釐七毫二絲查道員朱壽鏞飭赴廣西偵探
軍務應需輪船水腳及在粵房飯夫馬辦公等費給銀二百八十

九兩四錢九分一釐五毫又直隸州知州羅豐祿飭赴上海隨同南洋大臣議訂法約該員及隨從丁役人等應需來往輪船川資並在滬房飯夫馬等費給銀二百四十八兩三錢二分七釐三毫一絲又羅豐祿隨同前北洋會辦大臣吳大澂赴朝鮮商辦善後事宜該員及隨從丁役人等應需輪船川資並朝鮮食用辦公等項給銀一百九十二兩九錢九分四釐三毫一絲又繙譯福建因法使在上海議約派令由津赴滬供差給川資銀四十八兩二錢四分八釐六毫又洋操鎗礮教習都司徐開元千總李厚陞把總祝洪興三員調赴廣西前敵軍營教練隊伍應需水陸川資每員給銀五十兩共銀一百五十兩又知縣魏瀚參將陳季同准船政衙門派令來津商辦快船事宜回閩給盤費銀一百三十六兩二分四釐又武弁王義才黃增祥二名熟習後膛行礮口令操法由

津赴閩差遣共給川資銀六十八兩八錢八分委員布理問沈若球帶同雷弁周洪發雷匠王永和陸誠運解水雷沈雷等件赴滇桂關外以備阻塞河面攔遏敵船時值中法失和關外軍情緊急聞者裹足該員弁等不畏艱險毅然前往是以酌給沈若球三箇月薪銀九十六兩周洪發三箇月薪銀六十兩王永和陸誠各三箇月工銀五十三兩共支銀二百六十二兩作為安家之費俾免內顧而資鼓勵以上八款均係臨事酌量核發又閩粵等處學生陳兆璽等二十名飭調至津以備水師撥用均係航海而來內四名由船政衙門每名墊給川資銀三十兩由津撥還其餘十六名係照閩廠墊發之數撥給亦非由津局核定銷冊內均已詳細聲敘北洋辦理海防事屬創始一切支款多無例章可循當此庫款支絀之際無不遇事撙節前項川資公費安家等銀均核其事機

緊要酌量發給並未按其官階程途緣官階大小不一程途遠近不同究應差遣何處是否水程陸路以及往返久暫均無一定必須臨時方能酌奪與額支各款不同實難預先懸擬章程致多窒礙所有奉查銀一千九百九十五兩九錢六分五釐七毫二絲應請仍准照銷等情具詳前來臣查戶部核復光緒元年至六年洋員支款案內聲稱本部核銷各項總以例章奏案爲憑惟北洋所覆各節亦係實在情形以前用過各款應由該大臣自行奏明辦理當將元年至六年並七八兩年北洋海防報銷經部駁查各款逐一據實登復奏請准銷均奉

旨著照所請戶部知道欽遵在案今九十兩年報銷事同一律且均係力求撙節實用實報並無例章可循仍懇

天恩敕下戶部照數准銷以清案款理合恭摺復陳伏乞

皇上聖訓示謹
奏

定造快船報銷摺

光緒十五年四月二十二日

奏爲查明訂造英德兩國商廠快船四號收支款目開單報銷恭摺仰祈

聖鑒事竊臣前遵光緒十一年六月二十四日電

旨照前購濟遠快船式樣商由出使英德國大臣曾紀澤許景澄向兩國商廠訂造鋼板鐵甲快船四號英廠兩號名曰致遠靖遠德廠兩號名曰經遠來遠約定十三年春夏開工成屆時經臣飭派英員提督銜琅威理先往英德兩廠驗視並派管帶官參將鄧世昌等帶同弁兵出洋會同琅威理接收駕駛來華於十三年冬駛抵廈門即在南洋過冬操練十四年開河後調來北洋經臣出海驗駛精堅迅利已奏蒙

聖鑒並酌定人數餉數奏咨在案所有訂造四船用款先後准會

紀澤許景澄並接任出使英德國大臣劉瑞芬洪鈞開送飭據海防支應局司道逐細鉤稽繕單具詳前來臣查此案先經戶部在於神機營息借英商怡和洋行款內開撥船價銀二百四十八萬兩因係廣平每兩較庫平增銀四釐四毫計共增銀一萬九百十二兩另行抵作北洋應領勇餉計淨收歸船案庫平銀二百四十八萬兩當以船價須一兩年分批匯付久存償息殊不合算遂於光緒十一年八月初一日全數發存英商匯豐銀行按西歷每年生息五釐截至十三年二月初四日將存款節次買鎊匯付船價完竣計共收回息銀七萬八千八百九兩五錢八分五釐六毫二絲六忽八微已詳細分咨總理海軍事務衙門各國事務衙門戶部查照嗣因所造各船添購魚雷大礮等項不敷價銀甚鉅經海軍衙門轉商戶部指撥各省展限海防捐輸銀一百萬兩續因解

不足數又指撥江海浙海關三關洋藥稅釐計解到捐輸銀七十五萬一千一百十七兩四錢七分六釐八毫洋藥稅釐銀二十六萬六千一百八十七兩八錢一分三釐二毫共銀一百一萬七千三百五兩二錢九分亦經陸續買鈔匯付隨時分咨並將各省關解到捐款稅釐細數分晰咨報各在案統計列收神機營撥給洋款及各省關捐輸洋藥稅釐共銀三百四十九萬七千三百五兩二錢九分英廠訂造致遠靖遠二船船價及各項礮位鎗枝魚雷電燈各種彈藥器具並購備物料等項用款共支銀一百六十九萬七千四百五十三兩三分一釐六絲六忽五微德廠訂造經遠來遠二船船價及各項礮位鎗枝魚雷電燈各種彈藥器具並購備物料等項用款共支銀一百七十三萬九千七百六十一兩三錢六分七毫三絲七忽三微四船統共支銀三百四十三萬七

千二百十四兩三錢九分一釐八毫三忽八微尙餘銀六萬九千兩八錢九分八釐一毫九絲六忽二微已奏明撥歸旅順船塢添建石壩工款之用其所收息銀七萬八千八百九兩零亦奏明歸於月購百濟雷艇案內收銷臣查訂造四快船支用各款均在英德商廠與洋人交涉毫無例章可仿無憑造冊應卽開單報銷其價目銀數有可分晰者已於清單各款下註明並將船礮價內扣讓若干暨預付後半礮價收回息銀抵除價腳等項若干均於單內明晰登註以備稽核此係出使大臣經辦皆實用實銷並無絲毫浮冒北洋前購定遠鎮遠濟遠三艦收支各款經臣開單奏咨當由各部會核具奏不限常例照單准銷在案此次事同一律且現在創辦海軍一切事宜及該四船薪餉均由海軍衙門主持籌發應請

旨飭下海軍衙門會同戶兵工部查核照單准銷以清案款除將
詳細清單分咨外理合恭摺具陳並月開飭明清單敬呈
御覽伏乞

皇上聖鑒謹
奏

謹將訂造英德兩國商廠致遠靖遠經遠來遠四快船收支各款開具簡明清單恭呈

御覽

收款項下

一收截留神機營息借怡和洋款銀二百四十八萬兩

一收部撥各省捐款並江海浙海閩海三關洋藥稅釐共銀一百

一萬七千三百五兩二錢九分

以上共收銀三百四十九萬七千三百五兩二錢九分

英國訂造致遠靖遠二船支款項下

一支英國阿模士莊廠訂造致遠靖遠快船二隻共價銀一百十

七萬七千四百十九兩五錢四釐五絲

一支德國克勞伯礮廠代造二十一生的三十五圓徑後膛來福

礮六尊備用器具全分配鋼鐵等彈九百箇並添購演礮藥彈價值暨運保駁力棧租及監造洋員津貼等項共銀九萬七千六百六十七兩一錢二釐七毫八絲四忽六微

一支克虜伯後膛礮用礮架礮彈火藥備用各機器零件共價銀七萬二千七百一十兩八錢一分八釐六毫

一支阿模士莊廠六寸徑後膛螺紋大礮四尊並礮架礮彈火藥引綫各零件備件共價銀四萬八百二十五兩四錢七分一釐九毫七絲

一支霍智紀士六磅彈急放礮十六尊連礮架藥彈引綫箱車各零件備件共價銀五萬六千六百六十四兩八錢六分二釐九毫七絲

一支四十五徑格林急放礮十二尊連礮架藥彈備件器具等項

其價銀三萬二百九十兩六錢六分五釐九毫八絲五忽

一支馬丁尼後門鎗八十枝柯花手鎗三十枝腰刀八十把長矛八十枝連皮帶藥袋藥彈斧箭等件其價銀五千一百二十二兩八錢七釐六毫七絲四忽

一支魚雷礮八尊魚雷二十四箇連各項機器零件備件並裝配一切其價銀九萬六千七百五十四兩九錢六分四釐一毫五絲七忽四微

一支電氣查察燈四盞玻璃電氣燈三百盞提手燈二十盞並輪機電機裝配各件其價銀二萬四千四百五十七兩二錢七分五釐三毫一絲二忽二微

一支添製霍智紀士小機器礮二十尊連子藥等件其價銀三萬六千九百七十五兩一錢三釐七毫二絲三忽七微

一支添購六哲斯銷二具電氣引四百枝共價銀七百九十八兩七錢一分七釐四毫五絲三忽

一支演試阿模士莊並霍智紀士格林各礮添購藥彈等項及添備兩船回華途用礮藥共價銀一千四百六兩二錢五分八釐九毫七絲二忽四微

一支阿模士莊廠添辦兩船放礮電氣燈電氣準頭分度弧等項並裝費共價銀七千四百五十九兩五分五釐九毫四絲

一支兩船礮用皮盤器具並經度艙面各表儀器遠鏡繪圖器具及礮手木匠水手所用各料件暨行船海圖共價銀三千一百七十六兩四錢五分七毫三絲

一支兩船汽爐房所用各項料件共價銀七千一百五十八兩九錢六分八釐七毫九絲五忽二微

一支使館隨員並緝譯官赴英國各海口船廠查訪造船情形並
參贊官赴船廠商論事宜及勘驗船工火車路費等項並緝譯德
文筆資共銀一千五百七十二兩五錢四分二釐八毫九絲八忽
八微

一支派赴阿模士莊船廠監驗工程監工匠首津貼房膳歸裝路
費等銀八千八百六十六兩二錢九分五釐八毫五絲六忽九微
一支商論造船事宜節次電報費並信資共銀七千三百四十六
兩七錢一分九釐三忽九微八沙

一支洋匠本敦照料兩船裝修船位等處工食銀三百五十七兩
八錢七分三釐五毫六絲五忽

一支英海部派員演試兩快船應需折席車費等銀二百九十七
兩四分三毫一絲四忽四微

一、支英廠兩快船回華沿途用煤八百九十噸零八百九十六磅
其價銀一千九百九十六兩三錢八分二毫八絲三忽

一、支洋員琅威理在英購買兩快船備用物件其價銀六千六百
二十二兩九錢三分五釐四毫七絲七忽

一、支撈取致遠船海口失落錨鍊用費銀七十七兩八錢三分三

釐七毫

一、支阿模士莊廠續寄兩快船需用器具軍火水腳保險銀七十
七兩七錢九分五釐

一、支致遠靖遠二船開駛來華時在洋購買備用各件其價銀四
千八百七十八兩三錢四分八釐七毫五絲

一、支撥還船政大臣墊支赴英監造快船監工匠首薪水行裝船
價等銀六千四百七十一兩二錢三分七釐一毫

以上統共支銀一百六十九萬七千四百五十三兩三分一釐六絲六忽五微

德國訂造經遠來遠二船支款項下

一支德國伏耳鐸廠訂造經遠來遠快船二隻其價銀一百三十八萬四百三十八兩七錢八分三釐九毫五絲五忽

一支克虜伯二十一生的十五生的口徑三十五倍長後膛鋼礮各四尊四生的口徑三十五倍長快放礮二尊連架座並配鋼鐵彈一千七百八十箇操演子管八箇栗色餅藥裏四百箇引火八千出引火螺絲一百箇銅壳藥並引火五百箇合彈藥器二分價值並由廠運船運脚保險暨船上裝配費共銀十二萬九千九百五十三兩七錢四分九釐二毫三絲七忽七微

一支哈乞開思四十七密里五管鋼礮四尊三十七密里五管鋼

破十尊連插架隨件並配銅彈一萬四千枚合彈藥器四分子彈箱三百三十四隻價值並由廠運船運腳保險暨裝配等費共銀四萬九千一百五兩五錢一分二釐八絲七忽

一支刷次考甫魚雷二十二具銅帽二十二分雷筒八具輪機舢板活架四具戰頭棉藥二十二分連隨件備件價值暨運腳保險安配工費共銀七萬九千一百四十三兩九分八毫四絲八微一支連珠手鎗六十枝插桿螺鎗全鎗子二萬枚價值並試驗工費運費共銀六百四十四兩七錢一分九釐八毫九絲五忽四微一支大電燈四架橫桿電燈二盞小電燈四百六十四盞船房電燈四百盞大小機器四具價值並工費共銀二萬九百六十五兩一錢四分九釐四毫六絲四忽一微

一支德廠兩船添備器具並備換物件共價銀一萬二千五十九

兩六錢三分四毫八忽六微

一支來遠船人陽油漆費銀七百七十六兩四錢六分九釐八毫

二絲九忽三微

一支監工匠首津貼歸裝川資等銀八千九百五兩一錢五分四

毫一絲五微

一支洋供事芬銳飛薪水銀一千四百五十七兩七錢九分七釐

八絲四微

一支兩快船雇募大管輪海南白羅們他耳薪水銀四百六兩七

分一釐六毫一絲一微

一支華洋員弁赴各處查驗工料並試船試礮械盤費工費實號

薪水等銀三千六十八兩八錢一分九釐一毫九絲一忽九微

一支電報信資銀四千四百三十兩二錢七分七釐八毫一絲三

忽一微

一支出使大臣許景澄並參贊隨員緝譯人等節次赴船廠察驗船工暨海口試驗速率往返船費及犒賞等項雜費共銀一千七百四十四兩二分八釐八毫三絲七忽

一支德廠兩快船開駛時購備油煤並一切零星物件共銀一萬五千五百二十五兩四錢七分三釐九毫三絲五忽一微

一支兩快船添製房艙禦寒湯汽管兩全分舢板四隻並添備改換一切工價共銀一萬四千七百五十九兩九分四釐九毫八絲五忽三微

一支電燈備換一切器具物件共銀四千七百五十九兩二錢三分三毫三絲三忽二微

一支添購合彈藥器具由德運滬轉發旅順運費棧租銀八兩五

錢二分五釐九毫

一支電燈回光鏡二具由德運滙運脚保險銀六十一兩三錢七分五釐七毫二絲三忽七微

一支經遠來遠二船開駛來華時在洋購置備用各件其價銀四千八百五十六兩六錢六分七釐二毫

一支撥還船政大臣墊支赴德監造快船監工匠首薪水行裝船價等銀六千六百九十一兩八錢

以上共支銀一百七十三萬九千七百六十一兩三錢六分

七毫三絲七忽三微

統共支銀三百四十三萬七千二百十四兩三錢九分一釐八毫三忽八微以收抵支尚餘銀六萬九千兩八錢九分八釐一毫九絲六忽二微已奏明撥歸旅順船塢添建石壩工

款之用理合登明

輪船運糧濟賑片

光緒十五年四月二十二日

再欽奉光緒十五年四月初三日

上諭山東災區甚廣現屆青黃不接小民覓食尤艱流離失所殊堪憫惻著加恩截撥本年輪船起運南漕十萬石由李鴻章飭令迅速運往山東交張曜派委妥員剝運被災地方及時分散所有運通經費輕齎銀兩一併解往備賑等因欽此當查招商局輪船承運各省漕糧抵津者業已不少其在上海候運者以截撥何省之糧爲便卽經電飭查覆一面電商山東撫臣張曜運交何處旋據招商局員覆稱若將本年承辦湖南北漕米六萬石儘數截撥又於承運江蘇漕米項下截撥四萬石共合十萬石較爲便捷並准張曜覆稱擬分運利津縣鐵門關壽光縣羊角溝海豐縣埕子口各海口已委員分赴海口備船俟輪船到海邊卸載驗收再剝

運內地分散災區臣卽飭商局由滬截撥湖南北漕米六萬石江蘇漕米四萬石趕裝輪船於四月十五日運頭批赴鐵門關其餘跟接趲運各海口交收速濟賑需並飭將由津運通經費及輕濟等項銀兩各照成案核明確數解交山東一併備賑除咨行外所有遵撥輪船起運南漕由上海運往山東濟賑緣由理合附片覆

陳伏乞

聖鑒謹

奏

接船支款過估片

光緒十五年四月二十二日

再北洋在英德兩國船廠訂造致遠靖遠經遠來遠四快船前因將屆工竣奏明飭派洋員琅威理於光緒十三年正月先往英德兩廠驗視並派管帶官參將鄧世昌等帶同弁兵於二月杪雇坐招商局圖南輪船出洋會同琅威理接收管駕來華估計薪水盤費物料等項約銀二十二萬餘兩經海軍衙門轉咨戶部核准暫向英商匯豐銀行如數借墊由部庫所收展捐項下籌發歸還應給歲息六釐由北洋防費內撥付計應給息銀一萬六千九百四十兩嗣據琅威理等電報接收四快船添募洋管輪幫同駕駛來華十三年十月底駛抵廈門時值北洋封凍飭在南洋海口操練派統領水師海軍提督丁汝昌前往逐一驗收將隨來西員分別遣留以免久候糜費四船薪餉酌照濟遠船定章辦理其出洋員

弁薪餉雜用與遣撤回國西員薪水川資等項均歸接船款內彙報以清界限均經奏蒙

聖鑒在案茲據海防支應局司道將鄧世昌等開送出洋接船回華一切支款逐細鉤稽繕單前來臣逐加查覈計共用銀二十四萬八千四百四十兩九分六釐八毫七絲除請領銀二十二萬兩外不敷銀二萬八千四百四十兩九分六釐八毫七絲又給匯豐銀行息銀一萬六千九百四十兩共不敷銀四萬五千三百八十兩九分六釐八毫七絲均由北洋防費內設法湊撥此案原估需銀二十二萬餘兩本係約略計算未能作準卽如官弁人等薪糧並津貼火食原估祇算往返六箇月嗣因公稽延往返至九箇月且外洋食物較中國昂貴僅此薪糧火食一項多支三箇月已多用銀三萬四千餘兩加以在洋病故水手人等之卹賞接船回華

水手升火人等之賞薪均爲原估所未及然挹彼注此通盤計算除增添薪糧火食並匪豐息款外其餘用項尙不及二十二萬兩委係撙節動支此款多與洋人交涉無例章可循要皆實用實銷並無絲毫浮冒應請

旨飭下海軍衙門會同戶兵工部查核照單准銷以清案款除將詳細清單分咨外理合附片具陳並片開簡明清單恭呈

御覽伏乞

聖鑒謹

奏

謹將派委華洋員弁水手人等赴英德兩國接帶致遠靖遠
經遠來遠四快船來華收支款項開具簡明清單恭呈

御覽

收款項下

一收先向匯豐銀行借用旋經戶部撥還庫平銀二十二萬兩

一收北洋防費項下動撥庫平銀四萬五千三百八十兩九分六

釐八毫七絲

以上共收庫平銀二十六萬五千三百八十兩九分六釐八

毫七絲

支款項下

一支提督銜洋員琅威理帶同繙譯夏立士先行出洋驗收四快
船輪船水腳車馬費等項庫平銀九百十四兩七分六釐八毫

支洋接帶四快船雇募管輪人等折半薪糧庫平銀一千二百五十六兩七錢八分

支洋接帶四快船員弁水手人等製辦號衣旗幟弔牀衣袋藥料雜物庫平銀一萬一千三百五十七兩六錢六分六釐六毫一支裝送出洋接船員弁人等雇用圖南輪船價庫平銀五萬二千九百十九兩七錢

一支致遠快船官弁水手人等一百四十七員名薪糧並津貼火食庫平銀二萬五千七百三十兩八錢三分九釐二毫

一支靖遠快船官弁水手人等一百四十六員名薪糧並津貼火食庫平銀二萬四千八百一十一兩三錢三分一釐六毫

一支經遠快船官弁水手人等一百四十六員名薪糧並津貼火食庫平銀二萬四千六百七十兩二錢二分一釐七毫

一支來遠快船官弁水手人等一百四十六員名薪糧並津貼火食庫平銀二萬四千二百五十三兩五錢九分九釐一毫

一支出洋接船洋員福來舍等八員津貼飯食等項庫平銀一千三百三十三兩三錢三分三釐三毫

一支四快船新雇洋員薪水火食並回國船費賞薪庫平銀三萬一千七百四十九兩八分七釐

一支開駛回華沿途燒煤價庫平銀三萬八百四十五兩一錢二分四釐九毫六絲

一支四快船出口試洋拖船並過蘇彝士河及領港等費庫平銀五千九百七十一兩九分八釐八毫七絲

一支出洋接船回華沿途需用油燭紙張並修理添購零星雜支等項其庫平銀三千八百五十三兩四錢三分一釐一毫四絲

一支接帶四快船水手頭目並水手升火夫役人等賞給一月口糧庫平銀五千一百四十一兩八錢

一支接船在洋病故醫士水手人等卹賞庫平銀三千三百八十四兩

一支訂借匯豐銀行接船經費息款庫平銀一萬六千九百四十兩

以上共支庫平銀二十六萬五千三百八十九兩九分六釐八毫七絲

雷艇經費請銷片

光緒十五年四月二十二日

再前因北洋創設海軍必須購製出海魚雷快艇與鐵甲快船相輔而行方於戰守有益臣於光緒十二年四月派員與英商百濟公司訂造新式頭等出海魚雷大快艇一隻咨會出使英國大臣劉瑞芬俟該艇造成飭派委員逐細驗試並將艇上礮位電燈雷筒魚雷及各項要件在洋廠另行購配嗣經造成配齊驗試靈捷飭由接帶四快船洋員琅威理並管帶官參將鄧世昌將該艇拖帶來華因遠涉重洋訂雇英國員弁水手幫同管駕以期穩慎於十三年十月同四快船駛抵廈門時值北洋封凍派統領北洋水師海軍提督丁汝昌前往一併驗收遣撤洋弁回國以節經費旋將該艇駛抵旅順交道員劉含芳督率歸隊操練擬定員名薪餉數目於十四年五月

奏咨聲明北洋防費竭蹶無從籌付艇價又不便專案片請查有
購買四快船款內收回息銀七萬八千八百餘兩擬儘數動用不
敷銀兩由北洋防費內勻湊等因奉

硃批該衙門知道欽遵在案茲將劉瑞芬開報該艇支款飭據海
防支應局司道逐細鉤稽其用艇價礮位水雷筒水雷電燈並洋
弁駕駛來華薪工煤費零件各項銀八萬五千九百九十八兩六
錢三分四釐九毫除收息銀七萬八千八百九兩五錢八分五釐
六毫二絲六忽八微外計由北洋防費項下湊撥銀七千一百八
十九兩四分九釐二毫七絲三忽二微此款皆與洋人交涉毫無
例章可循無憑造冊均係實用實銷並無絲毫浮冒應併請
旨敕下海軍衙門會同戶兵工部查核照單准銷除將詳細清單
分咨外理合附片具陳並片開簡明清單敬呈

御覽伏乞

聖鑒謹

奏

謹將訂造英商百濟公司魚雷大快艇收支各款開具簡明清單恭呈

御覽

收款項下

一收四快船款發存匯豐銀行取回生息銀七萬八千八百九兩五錢八分五釐六毫二絲六忽八微

一收北洋防費內湊撥銀七千一百八十九兩四分九釐二毫七絲三忽二微

以上共收銀八萬五千九百九十八兩六錢三分四釐九毫

支款項下

一支訂造英商百濟公司魚雷大快艇一隻價銀二萬五千三百四十八兩七錢九分四釐六毫

一、支購買大電燈一座、小電燈二十五箇、連零件、備件、共價銀五千三百六十五兩四錢九分四釐八毫。

一、支購買哈乞開司後門礮二尊、藥彈四百出、格林礮四尊、藥彈包二十萬出、並礮架、零件、備件、價值暨裝配、寄運等費、共銀二萬六百二十兩三錢二分九釐一毫。

一、支購買水雷筒二箇、水雷四箇、連零件、備件、共價銀一萬六千二十八兩八錢八分七釐七毫九絲。

一、支續添雷筒羅經鐵纜、掛鋪火藥柱架、長槳三葉輪、掛簾經度表等件、價銀七千八百八十八兩八錢九分六釐。

一、支雷艇停泊太晤士江、保險雇洋人看守、開行時油漆並試驗車馬費、以及雇用引水回華時、購備途用物件、煤磚、共價銀二千七百十二兩八錢三分一釐五毫九絲。

一支電報信資銀一千八百四十四兩六錢五分二釐九毫
一支雇用洋管帶水手人等駕駛雷艇來華薪工飯食賞薪並回
國船費共銀六千九十一兩三錢一分六釐八毫二絲
一支雷艇開駛來華沿途燒用煤斤並添購零件雜支洋水手升
火廚役火食等項銀八百九十七兩四錢三分一釐三毫
以上統共支銀八萬五千九百九十八兩六錢三分四釐九
毫

請緩鹽課奏銷摺

光緒十五年四月二十二日

奏爲援照歷屆成案請緩長蘆本年正課奏銷以恤商艱仍無誤協撥京奉各餉恭摺仰祈

聖鑒事竊據長蘆鹽運使額勒精額詳稱蘆商正課例限五月奏銷自同治十年後商情艱窘節經

奏准緩至十月啟徵茲因例限將屆催令各商完納據通綱商人晉有孚等一百二十四商稟稱直豫疊遭災歉銷滯本虧商累實甚歷年蒙將正課展緩藉可專顧春秋兩運仍於秋運後趕緊完誅並未誤解餉期限且能增交銀數有裨餉需蓋奏銷時日稍紓始得勉竭商力今催令照例限完課苟可遵辦曷敢稍存希冀惟本年春閒出庫引僅十一萬餘道過關鹽僅五萬餘包尙未全數抵岸又值挑修上西河凡引鹽經由該河者一時不能前進其豫

省黃河南岸各引地鄭工現甫合龍而運路未通流亡未復上年完交課款已屬竭蹶萬分今鹽不能銷銀無從措此外各商卽引地稍來銀項亟須先顧鹽價運腳並補交上屆欠課及未完帑利蘆商疲累太多全指秋後賣鹽以完現課此時實萬難兼顧籲懇將本屆正課奏銷援照歷年成案展緩該運司詳加體察確係實情若令依限完納力不能支徒事參追無裨實際請緩至十月啟徵仍可無誤京奉各餉並聲明永屬鹽課奏銷應屆時隨同辦理以憑彙計分數等情具詳前來臣查長蘆正課前因商情艱窘疊次奏請展緩均已奉

旨允准但可依限催納豈容稍事稽延惟商累甚深刻值告運喫緊鹽尙未銷實難籌措課款相應援照歷屆成案籲懇

天恩俯准將光緒十五年正課奏銷緩至十月辦理以恤商艱卽

以保全課帑屆時當督飭運司認真催徵將本屆奉撥京奉各餉
仍於年內解清斷不敢稍任遲誤理合恭摺具陳伏乞
皇上聖鑒訓示謹

奏

漠河調員片

光緒十五年四月二十二日

再黑龍江漠河金廠事宜前經遵

旨飭派道員李金鏞前往籌辦並擬定章程奏准在案漠河毘連
俄境開礦實邊卽以杜人窺伺惟事極繁重地處遐荒必須調用
明練耐苦之員相助爲理茲據李金鏞稟稱查有在部投供坐選
廣西宜山縣知縣志燮同知直隸州用吉林委用通判姚嶽松湖
北另補知州劉械林皆於礦務邊情實心講求遇事不辭艱瘁請
奏調前來查與定章相符仰懇

天恩俯念籌邊興利關係重要任用需人

敕下吏部吉林將軍湖北督撫卽令志燮等三員迅赴漠河隨同
李金鏞妥籌辦理藉收羣策羣力之效志燮仍照例按班銓選理
合會同黑龍江將軍恭鏗附片陳請伏乞

聖鑒訓示謹
奏

蘆鹽加價展限片

光緒十五年四月二十二日

再長蘆行銷直岸引鹽前因運本過重商累太深奏准自同治十三年六月起每斤加賣價制錢二文稍資津貼五年爲限嗣經前國子監司業汪鳴鑾請推展蘆商賣鹽加價以助直賑飭據運司議自光緒五年六月起展限五年賣令商人每年交銀二萬兩彌補直賑不敷之款迨限滿賑款未能交足又於光緒十年起展限五年在案扣至本年五月限滿據運司額勒精額詳稱直岸商人楊俊元等以引岸銷滯運路艱難成本增重兼因鄭工皖賑捐銀至十萬數千兩從前賑款尙未交完後來新捐爲數益鉅以致商困更甚請再將加價展限五年查此項加價前請展限五年賣令每年交銀二萬兩以歸庫墊兼濟賑需本擬限滿商力稍紓卽請停止乃近年各岸仍銷滯運艱本重又值鄭工需款浩繁蘆商認

捐銀十萬兩並捐賑賑等銀五千兩洵能竭力急公當此疲困之時若不量加體恤勢必顧此失彼有誤課運且直隸災歉頻仍連界之山東奉天亦遭水患既須自賑又宜恤鄰不得不籌備款項請自光緒十五年六月起直岸與鹽加價再予展限五年仍責令每年隨引交銀二萬兩以恤商情而裨賑款等情具詳請奏前來臣查前准部議蘆商積疲賴有加價稍資周轉且直隸賑亦於此取給係於恤商之中兼助賑款起見不至病民等因今運司請展五年仍係恤商助賑之意與部議相符應請照辦理合附片具陳伏乞

聖鑒訓示謹

奏

再保余昌宇加銜片

光緒十五年四月二十二日

再臣等於光緒十二年奏保兩廣創辦電綫經理軍報尤爲出力人員內有鹽運使銜直隸候補道余昌宇請加二品頂戴已欽奉諭旨允准是年十月吏部以該員前於直隸等省辦理電綫出力已有獎敘此次係屬重複應查銷等因臣查該員余昌宇前次獎敘係創設天津至上海陸路電綫並勘辦上海至浙江福建達廣界綫路之勞績與後案無涉此次所請獎敘係前案事竣後月辦兩廣電綫之勞績自光緒九年十月會委該員總辦由廣州開工節節向東前進旋因關外越南軍情喫重令其折回廣州向西趕辦經肇慶至廣西梧州達南甯府復折至廣州接辦東路經惠州兩府以抵閩界往返三千餘里水陸奔馳備嘗艱苦又在廣西工次兼理越南往來緊急軍報裨助測度機宜其勞績亦與前案無

涉自來論功行賞不以前後相掩前者雖獲獎敘而後此續著勤勞仍應照章給獎今事非一案地非一省時非一年界限分明實無重複況兩廣電綫隨工員司皆已分別優獎該員爲全工總辦責任尤重出力尤多僅請尋常頂戴若再議駁殊不足以勸將來合無仰懇

天恩俯准敕部將該員余昌宇仍遵前奉

俞旨給獎註冊以昭平允理合會同兩廣督臣張之洞附片具陳伏乞

聖鑒訓示謹

奏

鎮海煤價請銷片

光緒十五年四月二十二日

再津海關於光緒十三年支過鎮海輪船煤價銀五千九百餘兩
前經奏咨請於洋藥釐項下如數動撥嗣後按年核實開支戶部
以該關洋藥釐每年留支各款綽有餘裕令就留支款內勻用不
准月行請支等因臣查該關洋藥釐項下每年留支津防練兵月
餉銀一萬兩各項善舉銀一萬四千兩八分經費銀五千兩皆係
專款待支核計尙多不足又鎮海輪船薪費銀一萬七千餘兩實
支銀一萬五千餘兩其餘銀一千八百兩卽爲該船尋常歲修及
兵勇冬令棉衣襪並病故兵勇燒埋之用亦不能絲毫挹注至備
補經費銀一萬兩已撥歸原有京員津貼現改爲加復俸餉按年
解部緣該關原派京員津貼銀一萬二千兩係由洋藥眾商攤捐
銀一萬兩關道捐銀二千兩嗣因藥釐徵數加重照章不應再令

賑商攤捐而戶部前撥各項留支又未將解部之加復俸餉一款列入不得不將備補經費之一萬兩湊解加復俸餉仍照案由關道歲捐二千兩初以外辦商捐故未列冊咨部旋於報解加復俸餉文內咨明並於藥釐一百六結開除經費項下聲敘造報有案戶部謂藥釐留支餘裕者殆指前撥備補經費之一萬兩而言實則銀已按年解部並非關庫截存焉有餘裕鎮海輪船常年往來北洋朝鮮各海口轉運巡防關係緊要幾無一日休息非煤不能行駛若不准開支煤價則船歸無用殊於海防太局有礙此係兵輪萬不可少之需並無他款可以勻撥應請仍照原議將十三年支過煤價銀五千九百餘兩及十四年至今已用煤價另於洋藥釐項下核數支銷並准以後循案撙節開支以昭平允理合附片具陳伏乞

聖鑒敕部查照謹
奏

東海經費請撥藥釐片

光緒十五年四月二十二日

再東海關應支一切經費向在經徵洋稅招商局稅內按每兩扣提八分濟用嗣經戶部咨應改照津海關辦法祇在洋稅內扣提八分毋庸再在招商局稅內扣提其自一百六結起已在招商局稅內扣提銀兩應令撥還等因飭據該關道盛宣懷遵將一百六結起招商局稅內已提銀兩照數撥還歸款惟僅於洋稅內扣提八分實不敷用請就土藥釐金項下通融撥補未經戶部核准茲又據盛宣懷稟稱該關應支一切經費係員友書差薪脩飯食心紅紙張及巡船緝私等項本經早年奏定當時已竭力節減無可再少歷經循辦無異並已造報准銷今不准於招商局稅內扣提八分核計每年短至數千兩且上年山東議定保護沿海遭風商船新章應於該關動支經費是應支之款加增而扣提之數反減

憑何取給查自光緒十二年十二月一百六結起至一百八結止
九箇月共扣洋稅八分銀一萬五千六十餘兩其支各項經費銀
一萬七千八百五十餘兩實短銀二千七百九十餘兩又自一百
九結起至一百十二結止一年共扣洋稅八分銀一萬七千四百
九十餘兩其支各項經費銀二萬二千六百八十餘兩實短銀五
千一百餘兩均經分晰冊報有案計每年以收抵支約不敷銀四
五千兩各款皆係緊要按月待領不能緩欠該關又無他項可以
彌補實恐誤公因查津海關扣提洋稅八分經費不敷向准在洋
藥釐金項下撥用該關事同一律現在洋藥釐金已有指定用款
應請在所收土藥釐金內撥用卽自一百六結爲始仍視經徵洋
稅之衰旺以爲撥用土藥釐金之確數如果此後洋稅旺收應提
八分足數開支不特土藥釐金無須撥用卽洋稅八分有餘亦必

專款存儲斷不敢稍有糜費等情具稟請

奏前來臣覆核所詳屬實亦與津海關成案相符應請准其照辦以昭平允所有東海關洋稅內扣提八分經費不敷開支援案在上藥釐金項下撥用緣由理合會同山東撫臣張曜附片具陳伏乞

聖鑒敕部查照謹奏

邱寶仁林泰曾再請給獎片

光緒十五年五月二十三日

再臣前保出洋赴英德兩國接帶四快船回華出力人員內有留
閩補用守備邱寶仁請免補守備都司以游擊仍留原省儘先補
用總兵林泰曾請
賞加提督銜均奉

諭旨允准嗣經兵部覆稱邱寶仁所請係屬越級應改為免補守
備以都司仍留原省儘先補用林泰曾所請與定章不符應改為
議敘加一級等因臣查此次派赴英德兩國接帶四快船回華各
員皆未越級請保官階獨邱寶仁必須越級者因該員既管駕來
遠快船又拖帶新購魚雷艇遠涉重洋數萬里一人而兼數人之
事並未用洋行保險之費不特中國水師向來所未經亦為外洋
各國所罕有沿途艱遇風濤異常險惡竟能出其死力得保無虞

實屬膽智過人較之同往接船各員事難功倍是以越級請獎藉示優異業於前奏單內聲明在案茲部中略其與眾不同之勞績改照他員之例祇准免補守備一階等差未分恐不足以昭激勸向例各營員弁異常出力准其越級保升況值創辦海軍人材難得遇膽識優裕實著成效之員正宜及時甄拔俾開風氣尤未便以常例相繩至林泰曾現官實缺總兵論其出洋勞績及准獎章程本可加保提督今僅請提督虛銜更非從優若改爲議敘加級亦屬向隅合無仰懇

天恩俯念出洋接船事極艱險邱寶仁兼帶雷艇奮勇出力實較他員勞績爲多林泰曾原請虛銜本已格外核減

賞准敕部將該二員仍遵前奉

俞旨給獎庶歸平允理合附片覆陳伏乞

聖鑒訓示謹
奏

再保監造快船各員片

光緒十五年五月二十三日

再船政衙門派赴英國德國各廠監造致遠等鋼板鐵甲四快船及使館派辦船工出力員弁經臣於該船到華後查照上屆監造定遠等船並參酌接船准獎成案奏保本年正月二十五日奉旨著照所請該部知道欽此咨行欽遵在案現准吏部咨上屆監造定遠等船成案聲明該員等在洋閱時三稔是以准照異常勞績請獎此次亦應聲明等因臣查選用從九品曾宗瀛張啟正林鳴垣與守備黃戴陳和慶千總裘國安等六員均於光緒十一年八月由閩廠派赴英德兩國各廠監造十三年八月工竣回華該員等遠涉重洋數萬里於船身機器礮械帆纜施工選料皆能精細研求不使攙雜窳劣並考究各廠製造理法具有心得洵屬異常奮勉其直隸州朱宗祥主事王詠霓本係駐洋參贊隨員由出

使大臣派往稽查督率均極認真閱時亦久是以分別請獎上屆定遠等船工竣後因值法人開衅不能來華故多耽擱此次則剋期趨工曾宗瀛等往返重洋究心監造始終其事與上屆並無二致且上屆以十人監造三船此次以八人監造四船船數多而人數少其勞實已增倍八人之中按異常勞績請獎者六人其餘二人仍照尋常勞績請獎較上屆全按異常者又已格外核減仰懇天恩俯准敕部仍遵前奉

俞旨給獎註冊俾免向隅除履歷咨部外謹會同船政大臣裴蔭森附片具陳伏乞

聖鑒訓示謹

奏

遵撥練軍赴庫摺

光緒十五年六月十五日

奏爲遵撥宣化練軍馬隊前赴庫倫恭摺仰祈

聖鑒事竊光緒十四年十月接准庫倫辦事大臣安德咨開庫倫地方遼闊劫案頻仍奏請飭調宣化練軍前營馬隊由臺站前往駐防以資鎮懾奉

硃批著照所請該衙門知道欽此恭錄知照前來當飭宣化鎮總兵王可陞籌議該軍前營馬隊自光緒十二年由庫倫撤回卽移紮口外多倫諾爾迤北經棚一帶緝捕盜賊保衛商民安德來咨正值口外冬防喫緊勢難遠行遠調且臺站冰凍草枯沿途應需駝隻能否照數供應該官兵應需加餉等項如何籌備亦須妥細查覈方可酌定行期卽經咨行察哈爾都統保定練餉局司道議覆嗣於本年三月十八日准察哈爾都統托倫布咨開臺站苦累

額駝不敷供差此次宣化練軍出邊須月雇駝隻租賃氈房購備
糞薪請於該衙門截剩茶馬釐捐項下撥銀濟用奏奉

諭旨允准咨請飭調並據練餉局司道查照前調練軍赴庫倫設
防定章詳請具奏各等因臣查該軍前營馬隊計營官幫辦哨隊
官什長正兵親兵伙夫馬夫加夫共合三百五十六員名應分作
十起行走以紓勞力每起派官一員勻帶兵夫三十五名需騎駝
三十六隻另備運載行糧鍋具軍裝火藥等駝十五隻又氈房八
頂糞薪足用該官兵長驅沙漠遠戍邊荒甚形艱苦自應照案核
給加餉等項俾示體恤除原領薪費餉乾由練餉局循舊籌撥外
按出征章程計兵丁二百二十名每名應加月餉扣建銀二錢每
年合銀六百兩又加大四十名每名月支扣建銀三兩每年合銀
一千四百四十兩又照舊章全營月支不扣建柴草銀八十兩每

年合銀九百六十兩又月案加增柴草自十月至四月每月不扣建銀五十兩七箇月合銀三百五十兩又兵丁每名應給皮衣銀二兩五錢共合銀六百二十五兩連馬棚帳房等項均由局設法籌撥又兵丁伙夫馬夫加夫共三百四十三名應照光緒六年奏定章程由部庫每名按月撥給辦運米糧各費扣建銀一兩五錢每年合銀六千一百七十四兩仍由練餉局按年赴部預領轉發應用現據該局將夏秋兩季餉項挪措給領其應加各款自五月分起支並據該鎮王可陞先行借款購辦粟米苡麩及口袋繩席裝紮完固分雇牛車駝隻取道商路運赴庫倫另由宣化抽派馬隊百名赴經棚一帶接防卽於五月內調前營官兵由經棚回抵宣化趕備行裝軍火寬帶行糧仍令該營官郭洪保管帶因沿臺乾旱須俟雨降草肥暢行無阻擬六月十六七日分起拔赴張家

口次第出邊前進仰懇

天恩敕下戶部將該軍辦運米糧各費每年銀六千一百七十四兩先行撥給一年交練餉局委員領回以後再隨時續領俾濟要需至畿防練軍關係緊要未便久役於外應由庫倫自行整頓軍伍俟地面綏靜仍將宣軍撤回藉節經費除分咨查照外所有調撥宣化練軍馬隊赴庫倫緣由理合恭摺具陳伏乞

皇上聖鑒訓示謹

奏

工賑各款請免造冊片

光緒十五年六月十五日

再直隸自光緒十二年七月起至十四年六月止籌辦災賑工撫收支銀錢米衣各款業經彙開簡明清單奏報請免造冊茲戶工部議令照例造冊核銷等因臣查賑撫用款凡照例辦理者應造冊報銷凡變通定例者應開單奏報既有成案可循直隸係體察情形變通辦理卽如賑濟一項定例地方遇有水旱不論成災分數須先普賑一箇月口糧再按成災分數一箇月至四箇月口糧核計用費甚鉅現值款項支絀不得不力求撙節是以祇擇其實在窮困無以餬口者酌給錢米災輕口少則少給災重口多則多給其雖災重而稍可自存或一戶中有少壯數人力能備趁者則剔除不給同是災村而應賑戶數各不相同是災戶而應賑口數又各不相同此皆因時制宜不敢稍涉糜費難以照例造

報之實情也至挑築疏濬各工係招集少壯災黎計口授值以工代撫具有可資民力者則僅予津貼或就地勸捐仍歸民辦或酌派各營幫同力作量給筐歛之費本未照例核給方價實無從照例報銷況近年災賑工撫多借助南紳前來經辦事竣卽回尤難責以造冊致阻善念查光緒十二年七月以前直屬賑撫彙開簡明清單奏報之案均蒙

批旨允准免其造冊順天亦係照辦蓋既難遷就定例而賑款本自不敷若將各屬戶口錢米各數及工程段落丈尺土方銀錢各數逐一造冊需費不貲亦無從籌措也本年四月十四日府尹奏報順屬冬春災賑及以工代撫用款請免造冊並奉

批旨允准直屬事同一律且多由外集捐之款臣疊與司道認真督察要皆涓滴歸公凡不急可省之費無不竭力裁汰委係毫無

浮冒較定例節省甚多合無仰懇

特恩俯准將前奏光緒十二年七月至十四年六月籌辦災賑工撫收支各款仍照歷屆奉准及順天現在成案免其造冊以昭核實而節繁費理合附片陳請伏乞

聖鑒訓示敕部查照謹

奏

請豁民欠旗租摺

光緒十五年七月初十日

奏爲援案請豁民欠旗租恭摺仰祈

聖鑒事准戶部咨開光緒十五年正月二十七日

大婚禮成二月初四日欽奉

恩詔由部奏請蠲免各直省光緒九年以前民欠及因災緩帶徵錢糧又光緒十五年三月十五日崇上

慈禧端佑康頤昭豫莊誠壽恭欽獻皇太后徽號三月十六日欽奉

恩詔由部奏請豁免各直省光緒十五年以前民欠及因災緩帶徵錢糧均奉

旨依議欽此遵卽行司查辦並先明白曉諭茲據藩司松椿詳稱直隸除民糧地外向有民佃各項旗地完納官租與民糧事同一

律歷屆查辦豁免民欠錢糧均經奏蒙

恩旨將民欠各項旗租一體豁免光緒十年豁免五年以前民欠錢糧案內欽奉十年九月二十四日

上諭李鴻章奏請豁免積欠旗租一摺直隸民佃旗地官租與民糧事同一律近年災歉頻仍佃民困苦著加恩將直隸各州縣光緒五年以前民欠各項旗地官租並各案補徵銀兩實在民欠者一體全行豁免等因欽遵在案今光緒九年以前民欠錢糧又光緒十三年以前民欠錢糧先後蒙

恩豁免所有佃種旗地之民近復頻遭災歉情形困苦望澤同深請援案奏豁前來臣覆查無異相應仰懇

天恩俯准將直隸各州縣光緒九年以前並十三年以前實在民欠及因災緩帶徵各項旗地官租並各案補徵銀兩一體豁免益

足以廣

皇仁俟奉

旨後卽通飭確查數目核實辦理仍先刊刻謄黃徧行曉諭其徵
存在官者勒限提解不准絲毫朦混理合會同兼管順天府府尹
臣潘祖蔭署順天府府尹臣高萬鵬恭摺具陳伏乞
皇上聖鑒訓示施行至光緒九年以前及十三年以前旗租奏銷
均已咨部合併聲明謹

奏

多倫木稅分別認賠片

光緒十五年七月初十日

再前因多倫廳久不產木稅不能徵請蠲除虛額核實辦理經工部議自光緒十一年起將該廳每年應交工部水木稅銀六千七百餘兩暫停一半其餘一半銀三千三百五十餘兩令其徵解嗣復以該廳無木無稅實難徵解亦無力賠交巨款請將光緒十一年至十四年責賠一半稅銀准赴內務府認工按交一免三章程辦理其自光緒十五年起責賠一半稅銀應令按每千兩解部實銀二百五十兩每年共合實銀八百三十餘兩旋准工部覆稱交一免三係內務府暫行章程不得援引仍應按一半之數解交等因臣查多倫無木無稅經委員嚴查並據藩司口北道覆查實非捏飾現在津通一帶並無多倫運來之木人所共知與他處偶然短徵情形迥不相同若責令永遠空賠巨款自好者皆視為畏

送不肖者將多方掇累殊於吏治有礙密雲縣前因並無木稅已
蠲除虛額該廳事同一律至交一免三赴內務府認工雖係暫行
章程但現在既有此章經內務府奏奉

諭旨通行自應准其援照方足以示大信況他處偶然短徵均准
援照認工而該廳無稅可徵者不准又光緒十一年以前該廳賠
交之稅亦疊准援照認工而光緒十一年以後者不准亦覺一事
兩歧工部似因光緒十一年以前該廳稅額未減故准援照認工
今稅額已減是以不准不知前照原額六千七百餘兩按交一免
三認工僅需實銀一千六百餘兩今令交一半實銀三千三百五
十餘兩名爲減額一半實則加銀一倍宜其力更不支也茲又據
該廳稟請覆奏前來查光緒十一年至十四年實賠一半水木稅
銀兩本係懸額未徵核計賠款積數不少既據勉赴內務府認工

有案且與章程相合相應仰懇

天恩俯准仍赴內務府認工俾昭平允其自光緒十五年起貢賠一半水木稅銀兩應令按每千兩逕解工部實銀五百兩無庸再赴內務府認工每年共賠交實銀一千六百七十餘兩較前請八百三十餘兩已加一倍而與未減額時認工之數亦正相符並令按年設法措解清款以重考成另有戶部旱木稅原額銀五百十餘兩並請一律辦理所有多倫木稅無徵請分別認工賠交緣由理合附片具陳伏乞

聖鑒訓示謹

奏

購買犀照輪船片

光緒十五年七月初十日

再水雷爲防海利器須有小輪船以備平日操習及有事時設伏之用北洋僅大沽水雷營有守雷下雷等船其北塘山海關旅順口等處尙待籌辦旅順口控扼渤海尤爲北洋第一門戶近年創建船塢礮臺及各項營局庫廠逐漸經營規模巍備水雷小輪船實不可少適有開平礦務局小輪船一隻名曰犀照船身長五十七英尺寬十英尺二寸喫水六英尺實馬力六十匹輪機鍋鑑均無傷損試驗速率每點鐘能行九海里於操習水雷甚屬合用當飭向該商局轉購議價庫平銀三千四百兩較製造尙爲節省卽在北洋海防經費項下發給俟彙案報銷該船常年用款除煤炭油修一切活支之項不能預定外其應需管輪舵水升火人等比照大沽水雷營守雷等船從減酌定每月共薪糧京平銀九十兩

自光緒十四年八月初一日起扣建開支據海防支應局司道具詳前來除管輪人等員名餉數開單分咨海軍衙門戶兵工部外所有旅順水雷營購買岸照小輪船操習水雷緣由理合附片陳明伏乞

聖鑒敕下各衙門查照謹
奏

減收復價展限片

光緒十五年七月初十日

再長蘆軍需復價一款係各商按引攤交以助津省軍餉前因商情困苦於同治十二年奏准減交凡外商每引應交銀五錢者減爲四錢京商每引應交銀二錢五分者減爲二錢光緒十一年限滿奏准展限三年扣至十四年底又屆限滿當飭按照原額徵收茲據長蘆運司額勒精額詳稱蘆綱疲累已久直豫災歉頻仍鄭工甫報合龍流亡多未復業運艱銷滯商本虧賠近年每屆正課皆比從前加數完交復價一項本係額外之款現照減定銀數交納已覺竭蹶難支若遵令照額全完實屬力有未逮查津省軍餉每年共應解銀二十萬兩以近年出庫引目牽算約在五十餘萬道按外引四錢京引二錢核計歲約收銀二十萬兩有奇可敷分解請將京外各商應交軍需復價一款再展限三年仍照原減銀

數隨引完交儻以後出庫引目較少收不敷解應令各商設法籌
繳定數以顧軍餉等情請奏前來臣復核所詳歲收復價一項可
敷解支應請自光緒十五年起展限三年照案減收以示體恤而
免貽誤正課理合附片具陳伏乞

聖鑒訓示敕部知照謹

奏